



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij  
in Regno Sicil. Consultoris, Practicæ Resolutiones  
Lectissimorum Casuum**

**Diana, Antonino**

**Antverpiæ, 1645**

Confessarius.

**urn:nbn:de:hbz:466:1-41753**

tamen est in contrarium. *ibid* ref. 111. & p. 6 tr. 8. ref. 20.

3 Possunt Fratres Prædicatores & Minores, & qui cum ipsis communicant in privilegiis, concionantes in suis domibus, concedere auditoribus suis 18. annos & 320 dies indulgent. extra suas verò Ecclesias 18. annos & 222. dies tantum. tempore verò Quadragesimæ in suis domibus feriâ 2. 4. & 6. 156. annos & 24. dies. Debent tamen illas indulgentias expressè concedere nomine suæ Sanctitatis, aliàs essent nullæ. Rodriq. & alij 2. p. 4. tr. 4. ref. 22.

*Confessarius.*

1 **C**onfessio facta simplici Sacerdoti non approbato ab Episcopo est inualida, etsi bonâ fide fiat. (Lugo & alij.) & quod contra docet Croufers nec tutum est, nec probabile. Imò neque Prælati Religionum, sine approbatione Ordinarij, possunt secularium confessiones audire. Suarez & Rodriq. etsi contrarium affirmet Henriq. & alij 5. p. 6. tr. 6. ref. 52. & p. 2. tr. 16. ref. 44.

2 Quemlibet simplicem Sacerdotem sine approbatione Episcopi, posse absoluerè etiam à mortalibus in priori

SOB-



confessione per obliuionem omissis, docet Valerus: an probabiliter, alij iudicent. *ibid.* saltem à venialibus quilibet potest absoluerè. Suarez & alij, quidquid reclamet Faber. *p. 5. rr. 24 ref. 86.*

3. Non obstante Concilij Trident. decreto, posse Parochum ad excipiendas confessiones exponere simplicem Sacerdotem ab Episcopo non approbatum, docent nonnulli. Ledesm. & alij 4. quod probabile esset, nisi obstaret declaratio Cardin. Quando tamen quis semel approbatus est, poterit vbique à Parocho, seu Superiore Regularium assumi ad confessiones audiendas, absque nouâ approbatione. Suar. Vasq. & alij. Imò quando mul: e sunt confessiones audiendæ, vt in hebdomadâ sanctâ, vel Iubilæo, posse Parochum approbare Sacerdotem doctum, si non sit facilis recursus ad Episcopum, docet Henriq. & alij 3 *p. 3. tr. 4. ref. 146. 110. & 160. & p. 5. tr. 12. ref. 48.*

4. Probabile est, Religiosos, iniuste ab Episcopo non approbatos, posse nihilominus confessiones audire; quia ipso iure approbantur in *Clementinâ Dudâ. de sepult* quam Concil. Trident. non videtur renouasse. Fagund. & alij 20. sed



trariū est probabile. Vasq. & alij 10. Et illud priuilegium *Clementina* vix potest in praxi esse vsui, propter limitationes cum quibus concessum est. *part. 3. tr. 2. ref. 24. & p. 6. tr. 7. ref. 60.*

5 Possunt Episcopi ex iustā causā restringere Religiosorum approbationes ad audiendas confessiones virorum tantū. Suarez & alij 10. Quòd si tamen limitatio careret iustā causā, esset inualida. Henriq. & alij. Nec ordinariè saltem adest talis causa, cum passim clerici 24. annorum per beneficium parochiale sine vllā limitatione approbentur. Villalob. & alij 2. *p. 3. tr. 2. ref. 25. & p. 4. tr. 4. ref. 200.* Contrarium tamen verius videtur: quia siue iustè, siue iniustè limitetur, talis non est pro illo tempore, vel ad tales confessiones approbatus. Lugo. *p. 6. tr. 7. ref. 61.*

6 Nouus Episcopus, vel etiam idem potest approbationem à se, vel suo predecessore Regularibus vel Parochis concessam suspendere, & de nouo illos examinare. Sancius & alij 2. Quamuis nonnulli contrā sentiant quoad Parochos. Homobon. & alij 2. Sicut non potest id facere Capitulum, sede vacante. Fagundez & alij. Quidam tamen negant



negant Episcopum id posse, saltem generaliter quoad omnes. Villalob. & alij. Quod si reuocet sine iustâ causâ, inualidè id faeiet, nisi ab initio concesserat solum *ad beneplacitum*. Lugo & alij 2. p. 3. tr. 2. res. 27. & p. 4. tr. 4. res. 59. & p. 6. tr. 7. res. 62.

7 Religiosus à Prælato suo non præsentatus, potest ab Ordinariò approbari, & de eius licentiâ confessiones sæcularium audire, & virtute Iubilæi, aut Bullæ Cruciatę eligi: quia in eo reperiuntur omnia requisita, approbatio scilicet, & iurisdictio. *in Addit. 3. p. res. 7.*

8 Non potest Episcopus approbationem semel concessam ad confessiones audiendas, reuocare sine iustâ causâ, & quidem nouâ, & pertinente ad ipsas confessiones, aut ob nonseruatum interdictum ab ipsis Ordinarijs positum. Ex decreto Sac. Cong. Item non potest debitè præsentatum & examinatum reiicere: quia potestas illi data est in ædificationem; & hæc reuocatio, vel reiectio est nulla. Suarez & alij 5. Quod si concessa esset *ad beneplacitum*, posset pro libitu reuocari. Barbos. & Lugo. Probabile est tamen approbationem etiam sic concessam, non expirare



morte concedentis : quia etsi in rigore iuris id deberet fieri, cum per mortem cesset beneplacitum; communiter tamen illud intelligitur, quasi diceret; *donec reuocauero*. Castrop. & alij p. 3. tr. 2. res. 22. & p. 4. tr. 4. res. 200. & p. 5. tr. 14. res. 21. & p. 6. tr. 6. res. 48.

9 Approbatus ab Episcopo ad confessiones virorum, non autem mulierum. potest nihilominus eligi priuilegio Bullæ, non solum à viris, sed etiam à feminis, quia hic Confessarius est simpliciter approbatus; illa enim limitatio non apponitur ex defectu scientiæ, sed ætatis. Henriq. & alij 5. p. 1. tr. 11. resol. 9.

10 Confessarius approbatus à quocumque Episcopo, potest per Bullam vel Iubilæum vbique confessiones audire, absque nouâ Ordinarij loci approbatione, & potest à quocumque eligi. Bulla enim aliud non requirit, nisi ut Confessarius sit ab Ordinario approbatus. Henriq. & alij 11. Idemque dicendum de habente beneficium curatum, quia talis per Concil. Trident. est absolute approbatus. Suarez & alij 8. Idem dicendum est de Prælati Regularium, quia beneficium curatum comprehendit



dit omnes habentes curam animarum. Bossi. & alij 7. nullibi tamen eligi potest qui beneficio suo cessit, vel priuatus est. Barbof. & alij. etsi contrarium etiam probabile sit. Villalob. & alij 3. Quæ vera sunt etiam in Regulari qui à suo Prælato prohibitus est audire confessiones. (Salas & alij 7.) neque peccabit mortaliter sic absolvens, nisi ex vi suarum constitutionum obligetur ad peccatum mortale. Molfes. & Megal. *ibid.* res 78 & 13. & p. 5. tr. 12. res. 52. 47. & 53.

11 Confessarius in vno tantum oppido ob defectum scientiæ approbatus, non est per Bullam eligibilis: quia est approbatus cum restrictione propter insufficientiam, vt qui est approbatus ad audiendas confessiones puerorum, & rusticorum tantum. Rodriq. & alij. p. 1. tr. 11. res. 10. Contrarium tamen est probabile. Bossi. & alij 4. p. 5. tr. 12. res. 49.

12 Qui ad certum tempus est approbatus, transacto illo tempore per Bullam est eligibilis, etsi postea ab Ordinario reprobetur, modò constet id non esse factum ex propriâ culpâ, vel ex crimine inducente infamiam, sed ex malevolentia Ordinarij, seu Officialis, aut in pœnam alicuius inobedientiæ.



*Acosta. part. 1. tr. 11. res. 11. & 12.*

13 Confessarius in vnâ diœcesi approbatus, potest aliquem illius diœcesis absoluerè extra territorium: cùm enim eiusmodi confessarij habeant iurisdictionem in personas pœnitentium, non est habenda ratio territorij. Suarez & alij 7. p. 3. tr. 4. res. 144.

14 Vt possit Sacerdos validè confessiones audire, sufficit rati habitio de præsenti: est enim consensus tacitus, & interpretatiuus, qui sufficit. Sanchez & alij 8. *ibid.* res. 68.

15 Si proprius Pastor iniustè denegat alicui licentiam confitendi alteri, tamè confessio alteri facta est valida. Si quis tamen in Paschate non potest sine periculo salutis & famæ, proprio Parocho confiteri, & non vult Parochus illi cõcedere facultatem alteri confitendi; nõ violat præceptum Ecclesię si non confiteatur: sed eliciendo actum contritionis, potest ad Eucharistiam accedere. *ibid.* res. 79.

16 Confessarius sæcularis vnus diœcesis potest absoluerè pœnitentem alterius diœcesis à casibus ibi reseruatis, modò id non fiat in fraudem proprij Ordinarij; quilibet enim iudicandus est

iuxta



iuxta forum loci in quo est. Henriq. & Villalob. *ibid.* ref. 103.

17 Confessarius concubinarius potest audire confessionem suæ concubinæ, nisi interueniat periculum vel noui cōsensus, vel defectus doloris: imò aliquando poterit hoc esse expediens. Sācius & Pont. *p. 5. tr. 14. ref. 110.*

18 In Sacramento Pœnitentiæ quando dubium est de iurisdictione Sacerdotis, licitum est sequi opinionem probabilem, relictâ probabiliori. Sanch. & alij 5. Quando verò non sunt rationes, sed ambiguus hæret animus, non potest Sacerdos absoluere nisi vrgēte necessitate, idque cum onere eadem peccata iterum confitendi Sacerdoti habenti certam iurisdictionem. Suarez & alij 4. Quamuis illud onus neget Salas. *p. 4. tr. 4. ref. 4. & tr. 3. ref. 38.*

19 Cautè admodum se gerere debent Confessarij, quando de quibusdam peccatis interrogant, maximè feminas: præstat enim aliquando minùs perfectè peccatum pœnitentis cognoscere, quàm vel illi, vel sibi scandalum creare. Coninc & alij 3. *p. 3. tr. 4. ref. 99.*

20 Non licet Confessario interrogare pœnitentem de complice, in ordine ad



ipsius correctionem, quia finis Sacramenti Pœnitentiæ est iustificatio pœnitentis, non emendatio complicitatis. Malder. & alij 10. *ibid.* ref. 113. & *part. tr. 11. ref. 39.* Posset tamen esse casus, quod Confessarius absolutionem merito negaret, nisi complex indicaretur. Lug. & Medin. *p. 6. tr. 7. ref. 2.*

21 Tempore pestis potest Confessarius timens infectionem nõ integrã confessione audire. Suar. & alij 6. imò tenetur id facere quando aliàs non possit ceterorũ confessiones audire, vt in bello vel simili casu. Vasq. *p. 5. tr. 3. ref. 74.*

22 Si Confessarius intelligat pœnitentem laborare ignoratiã inuincibili, vel saltem mortaliter non culpabili, & nullum speret fructum ex admonitione, sed potiùs animi inquietudinem, rixas, vel scandala, dissimulare debet, & cauere ne dum à pœnitente interrogatur, plus respondeat quàm interrogatur. *p. 3. tr. 4. ref. 80.*

23 Quando Confessarius scit certò pœnitentem commisisse peccatum, & non esse confessum, non debet illum absolueret: quia non est applicanda forma Sacramenti subiecto non disposito. Suarez & alij 4. *ibid.* ref. 105.



24 Confessarius quicumque tenetur sequi pœnitentis opinionem probabilem, licet illam ipse iudicet falsam, modo inter Doctores probos probabilis habeatur. Suarez & alij 12. Et peccat mortaliter si nolit absolvere, quando de mortalibus fit confessio. Sanchez & Sancius *p. 2. tr. 13. res. 11.*

25 Quando prior confessio fuit invalida, si in posteriori Confessarius saltem confusè statum pœnitentis recorderetur, non tenetur pœnitens priora peccata repetere. Vasq. Quòd si ne in confuso quidem recorderetur, sed tantùm sciat sibi fuisse confessum, & ita absoluat, valida erit absolutio; peccabit tamen Confessarius, quia sic nō potest rectè suo munere fungi in pœnitentia imponendâ. Layman *p. 3. tract. 4. res. 123.* sed iam puto etiam sine peccato id posse facere. ex Granad. *p. 5. tr. 14. res. 51.*

26 Quando Confessarius absoluit ab aliquo casu reservato non habens iurisdictionem, si pœnitens credit se fuisse validè absolutum, secundùm quosdã non est quòd postea Confessarius laboret; cum enim fuerit pœnitens absolutus ab omnibus peccatis, fuit etiam indirectè absolutus à reservatis per in-

tu-



fusionem gratiæ. Valerus. Sed contrarium est probabilius. *p. 2. tr. 15. res. 60.*

27 Confessarius qui ex ignorantia etiam vincibili, non obligat pœnitentem ad restitutionem, non tenetur ipse restituere, modò pœnitenti obligato restituere non dicat, vt non restituat, vt cogat restituere cum non teneatur. Suarez & alij. *ibid. tr. 16. res. 1.*

28 Qui successiue & sine notabili interruptione multorum confessiones excipit in statu peccati mortalis, vnum tantum peccatum committit, & sufficit vt dicat quando confitetur; *Administratio Sacramentum pœnitentiæ in peccato mortali.* Fagund. & alij 3. Si tamen eliciat actum contritionis, antequam absoluat, non administrat Sacramentum in peccato mortali. Nec peccat incipiendo sic audire confessionem cum proposito pœnitendi, antequam absoluat. Henriq. *p. 1. tr. 7. res. 43. & 47. & p. 3. tr. 4. res. 67. & p. 5. tr. 7. res. 7.*

29 Licet accipere Sacramenta à Sacerdote existente in peccato, si illum inuenio in loco publico excipientem confessiones, etsi possem accedere ad alium; quia hoc non est inducere ad peccatum, cum ipse se offerat. Ledesm.

&amp;

& alii  
esset  
illum  
non  
men  
quar  
getu  
fis,  
Hur  
trad  
V.

Cor

1 I

pue  
tr. 4.2  
fess  
ma  
tr. 53  
tus

nu

res.

qui  
mi



& alij 4. Imò hoc videtur verum, etsi  
esset excommunicatus, nec adesset qui  
illum posset absolvere; quia etsi tunc  
non videatur posse nisi malè Sacra-  
mentum administrare, potest tamen,  
quantum est ex vi censuræ, si à me ro-  
getur, idque ex vi Concilij Constantien-  
sis, ideoque tunc non fiet irregularis.  
Hurtad. & Sanch. p. 3. tr. 4. res. 59. & p. 5.  
tract. 7. res. 4.

Vide *Absolutio.*

*Confessariorum in confessione sollici-  
tantium denuntiatio.*

1 **P**ost bullam Gregorij XV. denun-  
tiandus est confessarius etiam qui  
puerum sollicitavit. Nald. & alij 3. p. 1.  
tr. 4. res. 12.

2 In sollicitatione ad turpia à Con-  
fessario facta in confessione non datur  
materia parva. p. 4. tr. 5. res. 5. & part. 5.  
tr. 5. resol. 9.

3 Si Confessarius à muliere sollicita-  
tus, eius libidini consensit, non est de-  
nuntiandus. Sancier & alij 4. p. 1. tr. 4.  
res. 11. Sed contrarium est probabilius,  
quia cum consensus fiat verbis, eo ipso  
miscet illicitos & inhonestos sermo-  
nes,